

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
JU SLUŽBA ZA ZAPOŠLJAVANJE TK
TUZLA**

Broj: 01-30-3-644/24

Tuzla, 19.06.2024. godine



U skladu sa Programom sufinansiranja obavljanja stručnog osposobljavanja bez zasnivanja radnog odnosa boraca i članova njihovih porodica 2024, broj: 01/1-04-1-641-21-1/24 od 18.06.2024. godine, JU Služba za zapošljavanje TK, objavljuje:

JAVNI POZIV

za učešće poslodavaca u Programu sufinansiranja obavljanja stručnog osposobljavanja bez zasnivanja radnog odnosa boraca i članova njihovih porodica 2024

1. CILJ PROGRAMA

Cilj Programa je da se osobama, iz člana 17. Zakona o dopunskim pravima branilaca i članova njihovih porodica drugi prečišćen tekst («Službene novine Tuzlanskog kantona», broj: 10/20, 14/22, 9/23 i 5/24), na osnovu pravosnažnog rješenja za ostvarivanje prava na prioritet prilikom prijema na stručno osposobljavanje bez zasnivanja radnog odnosa, donijetog od strane Ministarstva, VSS i VŠS, bez radnog iskustva, a koje su prijavljene na evidenciju nezaposlenih osoba najmanje jedan dan prije podnošenja zahtjeva poslodavca, omogući stručno osposobljavanje za samostalan rad bez zasnivanja radnog odnosa, kako bi stekli radno iskustvo, potrebno za rad na određenim radnim mjestima ili za polaganje stručnog ispita.

2. CILJNE GRUPE

Nezaposlene osobe:

- visoke stručne spreme (VSS) koje imaju završen prvi ciklus dodiplomskog studija akademskog zvanja stečenog nakon najmanje tri i najviše četiri godine redovnog studija koji se vrednuje sa najmanje 180 odnosno 240 ECTS bodova i/ili integrisani studij prvog i drugog ciklusa studija koji traje najmanje pet godina i čijim završetkom se stiče 300 odnosno 360 ECTS bodova (npr. studij medicine, farmacije, stomatologije i sl.), odnosno VII stepen stručne spreme, odnosno VI stepen stručne spreme (VŠS)
- prijavljene na evidenciju nezaposlenih osoba, odnosno osoba koje se vodi u evidenciji lica koja traže posao, a nemaju status nezaposlenog lica kod nadležne Službe zbog: zaposlenja na određeno vrijeme ili zaposlenja na određeno vrijeme izvan struke ili zaposlenje sa nižom stručnom spremom od one koje posjeduje uz obavezu da se nalazi na evidenciji nezaposlenih osoba kod Službe najmanje jedan dan prije podnošenja zahtjeva poslodavca Službi bez radnog iskustva
- osobe kojima je Ministarstvo donijelo rješenje za ostvarivanje prava na prioritet prilikom prijema na stručno osposobljavanje bez zasnivanja radnog odnosa.

3. KORISNICI

Korisnici Programa su poslodavci registrovani u Tuzlanskom kantonu, koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.



4. POTICAJNE MJERE

Za Program sufinansiranja obavljanja stručnog osposobljavanja bez zasnivanja radnog odnosa boraca i članova njihovih porodica, obezbijeđena su sredstva u iznosu 600.000,00 KM (slovima: šest stotina hiljada KM), i to za sufinansiranje obavljanja stručnog osposobljavanja bez zasnivanja radnog odnosa za osobe iz ciljne grupe, u trajanju do 12 mjeseci, sa sredstvima u bruto iznosu od 419,62 KM mjesečno, po osobi, od čega je iznos 315,00 KM naknada osobi na stručnom osposobljavanju bez zasnivanja radnog odnosa, a iznos od 104,62 KM se uplaćuje na ime plaćanja pripadajućih obaveza (doprinos za zdravstveno osiguranje 4%, porez na dohodak, doprinos za PIO 6%, poseban porez za zaštitu od posljedica elementarnih nepogoda 0,5%, posebna vodna naknada 0,5%, naknada po odluci PIO za slučaj prof.oboljenja).

5. PRIJAVA NA JAVNI POZIV

Služba i Ministarstvo objavljuju Javni poziv za učešće poslodavaca u Programu na web stranici Službe www.szztk.ba, Ministarstva za boračka pitanja TK www.minbp@tk.kim.ba i Vlade TK www.vladatk.ba, koji ostaje otvoren do utroška sredstava, a najdalje do 30.11.2024. godine od dana objavljivanja.

Potrebna dokumentacija za učešće u Programu, koju poslodavac podnosi Službi:

- popunjen, potpisan i ovjeren zahtjev za sufinansiranje obavljanja stručnog osposobljavanja bez zasnivanja radnog odnosa boraca i članova njihovih porodica, osoba VSS i VŠS, a za koje je Ministarstvo donijelo pravosnažno rješenje za ostvarivanje prava na prioritet prilikom prijema na stručno osposobljavanje bez zasnivanja radnog odnosa, (PRILOG: 1)
- kopiju pravosnažnog rješenja nezaposlene osobe kojim Ministarstvo odobrilo ostvarivanje prava na prioritet prilikom prijema na stručno osposobljavanje bez zasnivanja radnog odnosa,
- dokaz o glavnom broju bankovnog računa poslodavca u poslovnoj banci na koji će se sredstva doznačiti
- Original ili ovjerena kopija Uvjerenja Porezne uprave Federacije BiH o izmirenim porezima i doprinosima, ne starija od mjesec dana od dana podnošenja zahtjeva poslodavca Službi za učešće u Programu ili Sporazum s Poreznom upravom Federacije BiH o izmirenju duga po osnovu poreza i doprinosa, organi uprave i druge institucije koje posluju preko trezora umjesto Uvjerenja Porezne uprave dostavljaju dokaz da trezorski posluju.

Poslodavci koji nemaju zaposlenika prijavljenih na jedinstveni porezni sistem, te poslodavci koji svojom djelatnošću nisu u mogućnosti osigurati osobi sticanje radnog iskustva, potrebnog za rad na određenim radnim mjestima, njihove stručne spreme ili za polaganje stručnog ispita, ne mogu učestvovati u ovom Programu.

Prijave sa potrebnom dokumentacijom predaju se u zatvorenoj koverti neposredno ili se šalju preporučenom poštom na adresu:

JU Služba za zapošljavanje TK

**Bosne Srebrene bb
75 000 Tuzla**

**sa naznakom prijava na učešće poslodavaca u
Programu obavljanja stručnog osposobljavanja bez zasnivanja radnog odnosa boraca i
članova njihovih porodica 2024 – NE OTVARAJ**



Prijave sa nekompletnom dokumentacijom neće se uzeti u razmatranje.

Program ostaje otvoren do utroška sredstava, a najdalje do 30.11.2024. godine od dana objavljivanja.

6. OBRADA PRISTIGLIH PRIJAVA/ZAHTJEVA

Komisija koju imenuje direktor, provjerava kvalificiranost poslodavaca za učešće u Programu na osnovu podataka iz prijave, drugih dokaza uz prijavu i vlastitih evidencija (uplata doprinosa, ispunjenost obaveza po ugovorima iz prethodnih godina i sl.) i najkasnije u roku od 15 dana od dana prijema zahtjeva poslodavca odlučuje o zahtjevu.

7. ODOBRAVANJE ZAHTJEVA I OBJAVA LISTI POSLODAVACA

Nakon izvršenih provjera, Komisija sačinjava Liste poslodavaca koji ispunjavaju uslove Javnog poziva, kao i Liste poslodavaca koji ne ispunjavaju uslove i dostavlja direktoru na odobravanje.

JU Služba za zapošljavanje

Tuzlanskog kantona



PRIJAVNI OBRAZAC

PROGRAM SUFINANSIRANJA OBAVLJANJA STRUČNOG OSPOSOBLJAVANJA BEZ ZASNIVANJA RADNOG ODNOSA BORACA I ČLANOVA NJIHOVIH PORODICA 2024

PODACI O POSLODAVCU		
Naziv poslovnog subjekta		
Općina		
Adresa		
Telefon		
Email		
Ovlašteno lice		
Djelatnost		
JIB poslovnog subjekta		
Vrsta poslodavca		
Broj trenutno zaposlenih		
Broj traženih osoba		
PODACI O OSOBAMA KOJE SE ZAPOSŔLJAVAJU		
Ime i prezime osoba koje su na stručnom osposobljavanju	JMBG osoba koje su na stručnom osposobljavanju	Stručna sprema osoba koje su na stručnom osposobljavanju

Potpis ovlaštenog lica

Pečat poslovnog subjekta

Datum: